



MÁNUDAGUR 26. ÁGÚST 2019

Heimilið



Ágúst Aðalssteinsson, smiður og fjölskyldu-faðir, segir að dyrasími með hreyfiskynjara sem kveikir á myndavél og tekur upp þegar hreyfing er numin sé afar vinsælt og þarft tæki. ➔6



Axel Eyjólfsson, framkvæmdastjóri HEGAS, segir að helsti styrkur fyrirtækisins sé mikið vöruúrval og úrval sérlausna fyrir innréttingar og heimili.
FRÉTTABLAÐIÐ/ERNIR

Nýr sýningarsalur með flottum lausnum

Á Smiðjuvegi 1 í Kópavogi er heildverslunin HEGAS ehf. til húsa, en þar er nýlega búið að endurnýja sýningarsalinn til að sýna vöruúrvalið sem best. ➔2

Doktor.is

- Fræðsla
- Ráðgjöf
- Forvarnir





HEGAS er stolt af nýja sýningarsalnum og vill endilega bjóða alla velkomna að skoða úrvalið. FRÉTTABLAÐIÐ/ERNIR



Innréttingarlausnir frá HEGAS eru vandaðar og úr besta hráefni sem völ er á.

Að sögn Axels Eyjólfssonar framkvæmdastjóra er HEGAS sérhæfð heildverslun með heildarlausnir fyrir tréðnaðinn. Allt frá litlum skrúfum upp í tölvustýrðar vélsamstæður og flest þar á milli.

„Helsti styrkur okkar er að við höfum upp á að bjóða mikið vöruúrval og margar sérlausnir fyrir innréttingar og heimili,“ segir Axel. „Við erum yfir 30 ára gamalt fyrirtæki sem býr yfir mikilli reynslu af alls kyns lausnum, nýjum sem gömlum. Og auðvitað njóta viðskiptavinir okkar góðs af þessari reynslu.“

Nýr sýningarsalur með nýjar vörur og áherslur

Axel segir að það sé mikilvægt að staðna ekki og fylgjast vel með breytingum í vöruþróun. „Þar sem það hafa orðið miklar breytingar í efnum fyrir innréttingar, eins og ýmiss konar yfirborðsefni, nýjungar í skúffubúnaði, nýir litir og aukið úrval í LED-lýsingum, þá fannst okkur mikilvægt og nauðsynlegt að endurnýja sýningarsal okkar og aðstöðu, til að geta sýnt þessar nýjungar sem best,“ segir hann. „Einnig höfum við endurnýjað heimasíðuna okkar, en þar er líka margt að sjá.“

Helsti styrkur okkar er að við höfum upp á að bjóða mikið vöruúrval og margar sérlausnir fyrir innréttingar og heimili.

Margt að skoða og sjá

Í nýjum og afar stílhreinum sýningarsal HEGAS er hægt að finna uppsettar innréttingar þar sem búið er að koma fyrir flestu af því sem fyrirtækið hefur upp á að bjóða. „Við erum með frábært vöruúrval, en við reynum líka eins og við getum að aðstoða fólk með því að sérpanta vörur ef þær eru ekki til á lager hjá okkur,“ segir Axel.

Sjón er sögu ríkari

„Við erum stolt af nýja sýningarsalnum okkar,“ segir Axel. „En sjón er sögu ríkari og við viljum endilega bjóða alla velkomna að skoða úrvalið hjá okkur. Þeir sem geta ekki gert sér ferð til okkar geta líka nýtt sér nýju heimasíðuna okkar, www.hegas.is.“





Mikið úrval blöndunartækja í fallegum litum má finna í versluninni.



Ný blöndunartæki geta poppað upp baðherbergið.



Verslunin selur allt fyrir baðherbergið.

Afar vandaðar innréttingar og persónulega þjónusta er að fá í verslun Írisar í Ármúla.

Bíður eftir að ömmubörninn taki við

Íris Jensen er ein eigenda Innréttinga & Tækja í Ármúla sem bjóða upp á mikið úrval af baðinnréttingum, blöndunartækjum, hreinlætistækjum og sturtuklefum. Lituð salerni og blöndunartæki koma sterk inn. Bjóða sanngjörn verð og faglega og persónulega þjónustu.

Fjölskyldufyrirtækið Innréttingar & Tæki er starfrækt í Ármúla 31 og hefur verið rekið um langt skeið. „Fyrirtækið er frá 1945. Amma mín stofnaði það sem heildverslun, en árið 1993 var því svo breytt í verslun af foreldrum mínum,“ segir Íris Jensen, eigandi, en hún og eiginmaður hennar Grétar Þór, tóku við rekstrinum árið 2014. „Við stukkum til. Maðurinn minn er enn í annarri vinnu, en hann kemur alltaf þegar hann er búinn í vinnunni og við stöndum vaktina,“ segir Íris létt í bragði en fyrirtækið leggur mikla áherslu á persónulega og góða þjónustu. Þetta er algjört fjölskyldufyrirtæki. Ef foreldrar mínir eru ekki á staðnum, þá eru börnin hérna. Svo bíð ég bara eftir að ömmubörninn mæti á vaktina,“ segir Íris og hlær.

Vönduð sérvara og persónuleg þjónusta

Innréttingar & Tæki selja vandaða sérvöru. Til að mynda baðinnréttingar, sturtuklefa, hreinlætisvörur og blöndunartæki. „Við erum í raun með allt fyrir baðherbergið nema vegg- og gólfefni. Við viljum vera sérvöruverslun, en ekki þessi týpíska byggingarvöruverslun. Við leggjum okkar metnað í vandaða vöru og persónulega þjónustu,“ segir Íris.

Blöndunartækin koma frá Fima Carlo Frattin, ítölsku fyrirtæki sem sérhæfir sig í umhverfisvænni gæðaframleiðslu. Hreinlætistækin eru að mestu frá Gala sem er spænskt fyrirtæki stofnað 1965. Þá selur verslunin vörur frá Globo, sem er ítalskt fyrirtæki. „Globo er til að mynda svakalega flott merki. Fyrirtækið var stofnað 1980. Þeir bjóða upp á mjög skemmtileg lituð salerni, sem viðskiptavinir okkar hafa rosalega mikinn áhuga á – til dæmis svört, brún og grá. Þessir



Íris Jensen er eigandi verslunarinnar Innréttingar & Tæki. FRÉTTABLAÐIÐ/ERNIR

litir eru dálítið öðruvísi,“ segir Íris. „Fólki finnst þetta rosalega flott. Margir koma og kaupa svart. Svo eru sumir sem staldra við, langar í salerni í lit en enda á að kaupa matt hvítt salerni sem er líka mjög vinsælt.“

Parf ekki endilega að skipta öllu út í einu

Blöndunartækin rjúka út hjá Írisi, enda mikið og gott úrval. „Ef þú

vilt einfalda og ódýra leið til þess að poppa upp baðherbergið er mjög sniðugt að skipta út blöndunartækjum og fá þau í einhverjum lit. Það er það vinsælasta sem við erum með núna. Það þarf ekki endilega að skipta út öllu í einu, þú þarft ekki endilega að skipta út handlauginni og klósettinu þótt þú fái þér ný blöndunartæki.“ Íris bendir fólki þó einnig á að ráðfæra sig við hönnuði og fagmenn.



Verslunin hefur verið starfrækt í einu eða öðru formi frá árinu 1945.

“Ef þú vilt einfalda og ódýra leið til þess að poppa upp baðherbergið er mjög sniðugt að skipta út blöndunartækjum og fá þau í einhverjum lit.

Sturtubotnarnir eru líka vinsæl söluvara. „Þeir eru ótrúlega flottir og þunnir. Eins og ein, heil flis; þungir og massívir og eru framleiddir hjá Gala. Það er eiginlega með ólíkindum hversu duglegir Íslendingar eru að skipta út sturtunni,“ segir Íris, létt í bragði. „En það á sér nú eðlilegar skýringar. Það er gott að vera með baðkar þegar börn eru ung, en þegar þau eldast og fjölskyldur

fara að keppast um baðherbergið á morgnana þá vilja allir fara í sturtu. Það er einfalt að henda út baðkarinu, setja stóran sturtubotn og svo gler. Þá ertu kominn með æðislega, „walk-in“ sturtu með lítilli fyrirhöfn,“ útskýrir Íris og bætir við að sturtubotnarnir fái í fjórum litum, en í september verði sérstaklega mikið úrval. „Við ætlum að bjóða upp á þá í fimmtán litum. Trendið í litum er að koma til baka, en núna eru það jarðlitir. Ekki pastellitir, eins og voru hér einu sinni.“

Eitthvað fyrir alla

Innréttingar & Tæki bjóða einnig upp á innréttingar frá Ítalíu og Póllandi og handklæðaofna frá Póllandi. „Við erum bæði með ódýrari línu og svo dýra línu í innréttingum og það sama á við í blöndunartækjum og í hreinlætistækjum – það er, dýrari lína og ódýrari lína. Við viljum hafa úrval sem buddur allra Íslendinga ná utan um.“



Basískar lausnir eru góðar til að vinna á fitu og lifrænum efnum. NORDICPHOTOS/GETTY

Efnafræði þrifanna – pH-gildi hreinsiefna

Mikilvægt er að nota rétt efni við heimilisþrifin. Leiðbeiningastöð heimilanna hefur birt upplýsingar um helstu efnin sem notuð eru við þrif á leiðbeiningastod.is.

Sandra Guðrún
Guðmundsdóttir
sandrugudrn@frettabladid.is



Basískar lausnir eru betri til að ráðast gegn óhreinindum, fitu, prótínum og öðrum lifrænum efnum. Súrar lausnir vinna betur á kalki, ryði og öðrum steinefnum. Að þekkja pH-gildi efnanna getur því verið gagnlegt.

Sýrustig eða pH-gildi er mælikvarði fyrir hversu súr vökvi er. Gildi frá 0 til 7 tákna súra lausn, því súrari sem gildið er lægra, gildið 7 tákna hlutlaus lausn, og gildi frá 7 og upp í 14 tákna basíska lausn (því basískari sem gildið er hærra).

Vatn er hlutlaust og er með pH-gildi 7.

Basískar lausnir með pH-gildi hærra en 7 gagnast best til að þrifa:

- Fitug gólf
 - Óhreinna veggi
 - Tjöru
 - Vélar og verkfæri
 - Vélarolíu, dísilolíu, ásafitu
 - Matarolíu
 - Háfana í eldhúsinu
 - Bakaraofna
- Súrar lausnir með pH gildi lægra en 7 gagnast best til að þrifa:
- Vatnsbletti
 - Ryð
 - Kalkáfellingar
 - Kalkstein
 - Uppþvottavélina að innan

- Salerni
- Sturtuklefa
- Þvagskálar

Best er að nota umhverfisvæn efni til að þrifa. Leiðbeiningastöðin mælir með svansmerktum hreinsiefnum. Borðedik og matarsódi eru líka tilvalin hreinsiefni á heimilinu en gæta þarf þess að nota ekki edikið á hvað sem er þar sem það er ætandi. Mild sápa er best við flest dagleg þrif.

Klór: pH 11 til 13

Klór er bleikiefni. Hann er mjög basískur og fer næstum því eins hátt á pH-skalanum og hægt er. Klór er mjög ætandi og nauðsynlegt er að lofta vel út þegar hann er notaður. Klór er ekki hægt að nota hvar sem er, hann getur skaðað húð og eyðilagt yfirborð ýmissa efna. Aldrei ætti að blanda klór saman við önnur hreinsiefni. Klór er hins vegar góður til að bleikja (hvítta) og fjarlægja bletti (í hvítum fatnaði).

Klór er ekki hreinsiefni, hann er sótthreinsiefni og ætti að nýta til að drepa sýkla og örverur, ekki til að fjarlægja óhreinindi. Margir nota klórblöndu við þrif á baðherbergjum til að sótthreinsa.

Ofnahreinsir: pH 11 til 13

Flestir ofnahreinsar eru mjög basískir og virka því vel til að ná

erfiðum viðbrenndum óhreinindum úr ofnum. Þegar ofnahreinsar eru notaðir ætti alltaf að fara mjög gætilega og nota hanska og loft-ræsta vel.

Umhverfisvænni leið til að þrifa ofna er brúnsápa eða matarsódi.

Matarsódi: pH 8 til 9

Matarsóðinn er líka basísk lausn. En bara rétt svo. Vegna þess að matarsóðinn er basískur til að vera ertandi þá er hann frábær kostur til að nýta á margan hátt við þrifin á heimilinu.

Matarsóðinn er frábær í niðurfallið með rennandi heitu vatni. Hann hreinsar, frískar og tekur lykt. Matarsódi er líka tilvalinn til að fríska upp á þvottinn. Hann er finnst sem mýkingarefni og til að eyða lykt úr þvotti. Einnig er hægt að nota matarsóða til að þrifa þvottavélina, ísskápinn, örbylgjuofninn, uppþvottavélina, potta, pönnur og til að eyða lykt úr ruslafötunni.

Þá má strá matarsóða yfir rúmdýnuna og láta biða í góða stund, jafnvel yfir nótt, og ryksuga hann svo upp.

Borðedik: pH 2,0 til 2,9

Algengast er að finna borðedik sem blönduna 5% edikssýra á móti 95% vatni. Þó svo að borðedik sé þynnt edikssýra þá er það samt ætandi og ætti að farlega varlega í notkun þess. Vegna sótthreins-



Ofnahreinsar eru flestir mjög basískir og ertandi. Þá er betra og umhverfisvænna að nota matarsóða til að þrifa bakaraofninn. NORDICPHOTOS/GETTY



Matarsódi virkar vel til að ná erfiðum blettum. NORDICPHOTOS/GETTY

andi eiginleika borðediks er það gott til að drepa til dæmis örverur vegna myglu og sveppagróður til dæmis á flisum inni á baðherberginu eða í gluggakörmum. Sýran í edikinu virkar vel á steinefni og þar með vel á kalkútfellingar á flisum og í sturtunni og baðkarinu.

Borðedik er súr lausn og ætti því að nota gætilega. Borðedik má alls ekki nota á hvað sem er.

Hægt er að finna nánari upplýsingar um hvar má ekki nota borðedik á vefsíðu Leiðbeiningastöðvar heimilanna.

Sítróna: pH 2,3

Sítrónan er súr lausn eins og borðedik og gagnast því vel við þrif á steinefnum eins og kalki á baðherbergjum og í sturtuklefum.

Sítrónan er oftast notuð við þrif með salti en það er til að fá slípi-eiginleika saltsins með í þrifin.

Sítrónan er líka náttúrulegt bleikiefni og nýtist vel á bletti í ljósum flikum.

Birt með góðfúslegu leyfi Leiðbeiningastöðvar heimilanna.

ÚTSALA

ÞÚSUNDIR FERMETRA AF FLÍSUM, HARÐPARKETI O.FL.

30-70%
AFSLÁTTUR

TARKETT HARÐPARKET
8 mm
2 gerðir

kr. 1890.^{m2}



BÍLSKÚRSFLÍSAR

kr. 1790.^{m2}



FLÍSAR
réttskornar 30x60 cm

kr. 1.990.^{m2}



ALLIR GÓLFDÚKAR
OG TEPPI

25% AFSL.

HEFST Á MÁNUDAGINN KL. 8:00

 **ÁLFABORG**

- síðan 1986 -

Skútvogi 6
104 Reykjavík
Sími: 568 67 55
alfaborg.is



RISA ÚTSALA

35-60 % AFSLÁTTUR
AF LAGERVÖRU

Á PARKETI & FLÍSUM

SÉRTILBOÐ
HVÍTAR SLÉTTAR
INNIHURÐIR
VERÐ AÐEINS KR.
31.990

Birgisson®



Ágúst Aðalsteinsson smiður segir þessa tækni þrælsniðuga. FRÉTTABLAÐIÐ/ERNIR



Parket á góðu verði beint frá verksmiðju. Okkar eigin framleiðsla.

PARKET
VERKSMÍÐJAN

Síðumáli 31 | www.parketverksmidjan.is | s. 581 2220 & 840 0470

Geggjuð tækni

Á tímum snjallvæðingar er stöðugt verið að þróa nýja tækni sem einfaldar lífið og gerir það öruggara. Núna eru margir farnir að vakta heimili sín í gegnum smáforrit.

Hjördís Erna Þorgeirsdóttir
hjordiserana@frettabladid.is



Ágúst Aðalsteinsson, smiður og fjölskyldufaðir, fékk svoleiðis tól í jólagjöf og segir það bæði sniðugt og handhægt. Það sé einfalt í uppsetningu og kjörið fyrir fjölskyldufólk sem og aðra. Eini stýribúnaðurinn sé þetta smáforrit í símanum. „Þetta er bara svona dyrabjalla sem þú festir fyrir utan hjá þér og það er hreyfiskynjari á henni og svo ertu bara með app í símanum,“ útskýrir Ágúst.

Fjarstýrt öryggi

Ágúst segir að tækinu sé stjórnað í gegnum snjallsíma og að þannig sé hægt að svara hvar sem maður kunnir að vera staddur. „Svo geturðu bara svarað í símann þinn, meira að segja þegar þú ert ekki heima,“ segir hann. „Ég get verið á Akureyri og einhver dinglar fyrir utan heima hjá mér og þá get ég talað við hann bara í gegnum myndavélina í símanum,“ segir hann. „Þú getur tekið þetta með þér hvert sem er, í sumarbústað eða bara hvert sem er, nefndu það,“ segir Ágúst.

Ágúst segir símann strax láta vita ef einhver er fyrir utan. „Þegar einhver kemur að útidyrhurðinni kviknar á myndavélinni og upptaka fer í gang,“ segir hann. Þá geti hann ávarpað hvern þann sem annaðhvort hringir bjöllunni eða bara mætir fyrir utan. „Þá pípí siminn þegar það er einhver fyrir framan hjá þér og þú getur talað í þetta,“ segir Ágúst. „Þetta er bara algjör snilld,“ bætir hann við.

Þetta er geggjað þegar krakkarnir eru að koma heim úr skólanum og svona, þá bara dingla þau þarna og maður talar bara við þau í gegnum myndavélina.

Þrælsniðugt fyrir foreldra

Ágúst segir að tækið sé einfalt í notkun og viðhaldi. Hann segir að það þurfi engar snúrur en þó sé hægt að tengja það við rafmagn þar sem dyrabjöllur voru áður. Þess sé þó ekki þörf. „Þú þarft ekkert rafmagn eða eitthvert kjaftæði í þetta,“ segir hann. „Þú hleður þetta í tvo tíma og þá dugur það í viku,“ skýrir Ágúst frá.

Ágúst segir að mesti kosturinn við tækið sé sennilega tengingin við krakkana þegar þau koma heim úr skólanum. „Þetta er geggjað þegar krakkarnir eru að koma heim úr skólanum og svona, þá bara dingla þau þarna og maður talar bara við þau í gegnum myndavélina,“ segir hann. Hann segir að svona tæki veiti notendum aukna öryggiskennnd. „Ef það er einhver hreyfing fyrir utan hurðina þá kviknar á myndavélinni og það er tekið upp vídeó af því, alveg sama hvenær það er, þetta er alveg þrælsniðugt“ segir Ágúst.

Þegar Ágúst er spurður hvort eitthvað hafi komið upp á síðan tækið var sett upp svarar hann neitandi. „Það er svo friðsælt hérna í Hafnarfirðinum,“ segir hann.